

虛無浩渺神仙國鬱岨穹窿自己天白日清閒無冗事丹霄出入駕飛煙

又

逍遙自在三千客坦蕩無拘一散仙清淨幹開壺內景無爲踏碎洞中天

和長安藥王二郎韻

雲遊水歷過中牟得遇重陽師大獎許我將來了了歸洞天三十六仙長

重陽真人欲往甯海親筆畫一畫圖與醴泉縣弟子史公密收之鈺預夢南園一仙鶴從地湧出經月有重陽師父

道藏輯要

洞玄金玉集

二

胃集六

到來指鶴起處要修菴居鈺又夢參從師父入一山翌日師父訓鈺小字山侗鈺隨師父到南京至年終師父要歸逝鈺求辭世頌師父言我在關中呂道人菴壁上預前寫下鈺覆知師父鈺有三願一欲將師父全真集印行師父曰長安決了二願欲與師父守服三年師父曰劉蔣村有我舊菴基址可住三願勸十方父母捨俗修仙師父言罷昇霞余別大梁經洛陽入潼關過華嶽訪京兆有道友相留在孔先生菴內盤桓數日有醴泉史公相尋來在東門裏茶坊相見問及姓氏渠云醴泉史風子亦是重陽真人門弟子余聞之甚喜師父屢曾說賢茶畢余往太平樓下

街閒行有道友楊二即邀住啜茶之次有史公繼至史公
又施拜禮余責曰汝既是重陽師父門人何其多禮豈有
一日兩三遍具禮拜是何道人活計余預知此公怕上街
求乞故相撓之我欲拌賢一鑲酒主人不知可否史公於
懷中取錢余言非用此錢可上街求乞錢沽酒史公熟視
移時遂上街乞化下來沽酒余獨飲之史公求詩遂成十
絕句以贈之

行屍走骨有何羞勿爲衣衾亂起愁學我上街長展臂隨緣乞
化最風流

又

道藏輯要

洞玄金玉集

三

胃集六

富貴榮華全小可於身性命天來大火風地水似浮漚好把假
軀先勘破

又

今朝端的拜聞賢休使家中造業錢降伏我人求乞去自然日
用得翛然

又

馬風非愛杯中酒引爾街前閑展手度日隨緣助道長不勞出
藥闌糊口

又

且把糟漿助我神須憑玉液養天真誰知越醉越惺灑異日功

成三島人

又

無妻無子亦無女天賜逍遙宜省悟休欺方寸莫謾人暗有神
明常察汝

又

從前愛底莫留心急急抽身物外尋搜獲不離方寸地無私無
曲作知音

又

天機未敢輕分付細細看賢悟不悟遇有艱難不憶家恁時指
汝長生路

道藏輯要

洞玄金玉集

四

胃集六

又

浮名浮利尚難求利遂名成卧土邱不道神仙非小事須憑功
行赴瀛洲

又

要做神仙須悟徹萬種情緣當一擊常將身影更嫌多恁時自
有仙提挈

贈長安眾道友

家家門下長安道戶戶庭前極樂鄉一腳不移超法界三鴈俱
透得清涼

贈長安郭子聰機宜韻